



Broj: 05-04-20-48-10/26
Maglaj, 13.02.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-48-8/26 od 12.02.2026. godine, u postupku javne nabavke „Rekonstrukcija Trga i Parka ljljana sa spomen-obilježjem, nastavak radova“, Općinski načelnik donosi

ODLUKU
o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci radova na rekonstrukciji Trga i Parka ljljana sa spomen-obilježjem, nastavak radova, dodjeljuje se ponuđaču „Geo-put“ d.o.o. Maglaj, u skladu sa ponudom broj 5/26 od 02.02.2026. godine, po ukupnoj cijeni od 68.800,00 KM bez PDV-a, odnosno 80.496,00 KM sa uračunatim PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-48-1/26 od 14.01.26. godine, pokrenut je postupak javne nabavke „Rekonstrukcija Trga i Parka ljljana sa spomen-obilježjem, nastavak radova“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-2-3-7/26 od 15.01.2026. godine. Sažetak obavještenja o nabavci objavljen je u „Službenom glasniku BiH“, broj 5/26.

Procijenjena vrijednost nabavke je 74.358,97 KM bez PDV-a, odnosno 87.000,00 KM sa PDV-om. Kriterij za dodjelu ugovora je ekonomski najpovoljnija ponuda, sa potkriterijima „cijena“ (ukupno 98 bodova) i „rok plaćanja“ (ukupno 2 boda).

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u

daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene četiri ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	"Ikan" d.o.o. Zavidovići	Mečevići bb, Zavidovići	03.02.2026. 09,54h	855
2.	"Geo-put" d.o.o. Maglaj	Poljice bb, Maglaj	04.02.2026. 09,39h	902
3.	"Hajdić" d.o.o. Maglaj	Misurići bb, Maglaj	05.02.2026. 07,28h	940
4.	"Porobić" d.o.o. Zavidovići	Radnička ulica bb, Zavidovići	05.02.2026. 08,33h	944

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Komisija je prihvatljivim ocijenila ponudu ponuđača "Hajdić" d.o.o. Maglaj. Od preostalih ponuđača traženo je pojašnjenje referenci, u skladu sa članom 48. stav (5) Zakona o javnim nabavkama, kako bi se utvrdilo da li ponuđači posjeduju iskustvo u izvođenju radova koji su srodni radovima koji su predmet ovog postupka nabavke, te u skladu s tim izvršila evaluacija njihovih ponuda. Svi ponuđači su blagovremeno dostavili tražena pojašnjenja. Razmotrivši dostavljenu dokumentaciju, Komisija je prihvatljivom ocijenila ponudu "Geo-put" d.o.o. Maglaj, dok su ponude ponuđača "Ikan" d.o.o. Zavidovići i "Porobić" d.o.o. Zavidovići ocijenjene neprihvatljivim. Razlozi za navedeno su, kako slijedi:

- a) Ponuđač „Geo-put“ d.o.o. Maglaj je, kao dokaz za posjedovanje relevantnog iskustva dostavio Potvrdu "Natron-Hayat" d.o.o. Maglaj, broj 22-06/24 od 10.06.2024. godine, o uspješno izvedenim radovima na redovnom održavanju cesta i ulica u krugu preduzeća „Natron-Hayat“ d.o.o. Maglaj, te Potvrdu Općine Tešanj, broj 03-45-2-1271-2/23 od 30.05.2023. godine, o uredno izvršenom ugovoru o izvođenju radova na „Realizaciji liste Kapitalnih projekata 1 faza“, za LOT 4. Asfaltiranje puta O.Planje-Jevadžije, Asfaltiranje puta Gromulja-piličarnik u MZ Karadaglije, Asfaltiranje puta Mekteb-Ravne, Trotoar Kotlanice, Nastavak gradnje pješačke staze u MZ Karadaglije, LOT 5. Asfaltiranje puta Adžići-Grič-Džamija u MZ Šije i Puta Djedovići u MZ Tešanjka, LOT 6. Asfaltiranje puta Stara cesta-Agići-Bajina glava, Asfaltiranje puta Dubravci i Ogrići-Bazen u MZ Kraševo, Lot 7. Izgradnja trotoara u MZ N.Miljanovci, Asfaltiranje puta Zovke-Prilozi u MZ Piljužići, Asfaltiranje puteva Stara cesta i Bošnjaci u Kaloševiću. Pojašnjavajući dostavljene reference, između ostalog, ponuđač je dostavio Narudžbenicu "Natron-Hayat" d.o.o. Maglaj, broj 853/2023 od 08.12.2023. godine, uz račun za izvedene radove po ovoj narudžbenici, te predmetni ugovor sa Općinom Tešanj, uz TD za postupak koji je prethodio njegovom zaključenju. Uvidom u dostavljeno, Komisija je konstatovala da je ponuđač po dostavljenoj narudžbenici izvršio radove izrade pješačkih staza u krugu "Natron-

Hayat" d.o.o. Maglaj, koji su obuhvatali radove mašinskog iskopa, zasijecanja asfalta, ugradnje tampona, ugradnje betonskih ploča dimenzija 20x20x6 (uk. 1400m²), te asfaltiranje. Također je utvrđeno da su predmetni radovi u općini Tešanj obuhvatali asfaltiranje, pripremne, zemljane i betonske radove, čišćenje kanala i proširenja za mimoilaženje, tampon, izgradnja trotoara, šahtove, ivičnjake i dr. Razmotrivši dostavljenu dokumentaciju, a imajući u vidu karakter i vrijednost radova koji su predmet ovog postupka nabavke, komisija je konstatovala da je ponuđač "Geo-put" d.o.o. Maglaj dokazao da posjeduje relevantno iskustvo kako je to traženo tenderskom dokumentacijom, odnosno da ispunjava uslove za kvalifikaciju koji se odnose na tehničku i profesionalnu sposobnost, te je njegova ponuda ocijenjena prihvatljivom.

- b) Ponuđač „Ikan“ d.o.o. Zavidovići je, kao dokaz za posjedovanje relevantnog iskustva dostavio Potvrdu J.P. „Šumarsko-privredno društvo Zeničko-dobojskog kantona“ d.o.o. Zavidovići, broj 03-2195-1/24 od 12.07.2024. godine, o uredno izvršenom Ugovoru broj 70/23 – Rekonstrukcija postojećeg puta Kamenica-Mitrovići-Jezero Mašica i Ugovoru broj 84/23 – Radovi na uređenju oko jezera Mašica-Spomenik prirode Tajan, sliv rječice Mašica-GJ Gostović, PJ Zavidovići. Pojašnjavajući dostavljene reference, ponuđač je dostavio predmetne ugovore, uz predmjere radova, te privremene i okončane situacije po ovim ugovorima. Uvidom u dostavljeno, komisija je utvrdila da su ovim ugovorima obuhvaćeni prethodni radovi (radovi rušenja), zemljani radovi, betonski i armirački radovi, kolovozne konstrukcije, rubni elementi kolovoza (ivičnjaci), odvodnjavanje (površinsko odvodnjavanje, šahtovi i propusti), radovi sa kamenom i betonom, saobraćajna signalizacija, ugradnja ograde od drvenih gredica, ugradnja betonskog stola i keramičkih pločica na ploču stola, ugradnja klupa sa naslonom, popravka kamina, radovi na stubištu za silaz u jezero i popravak ploče na prelivu, čišćenje ulaza u jezero od naplavina, popravka postojeće i izgradnja nove staze pored jezera (uključujući popločavanje gazišta stepeništa kamenom sa lokalnog kamenoloma), popravak WC-a, te uređenje izvora vode. Imajući u vidu karakter i vrijednost radova koji su predmet ovog postupka nabavke, Komisija je konstatovala da je ponuđač dokazao relevantno iskustvo u određenim srodnim radovima (pripremni, zemljani, betonski i AB radovi, tampon, ivičnjaci), međutim nije dokazao relevantno iskustvo u radovima ugradnje betonskih opločnika, a koji su preovladavajući u ovom postupku nabavke (58% ukupne vrijednosti radova). Komisija nije prihvatila iskustvo u radovima sa kamenom i betonom, te popločavanje gazišta stepeništa kamenom sa lokalnog kamenoloma, jer oni ni po karakteru, ni po obimu, ni po vrsti materijala i načinu ugradnje nisu srodni radovima ugradnje betonskih opločnika. S obzirom na sve navedeno, ponuda je odbačena kao neprihvatljiva.
- c) Ponuđač „Porobić“ d.o.o. Zavidovići je, kao dokaz za posjedovanje relevantnog iskustva dostavio Potvrdu Kantonalne direkcije za ceste, broj 12/08-23-12410-P/22 od 12.07.2023. godine, o uredno izvršenom ugovoru „Obnova i sanacija kolovoza cesta sa potpuno amortizovanim asfaltnim zastorom na regionalnoj cesti R467 Sanacija kolovoza na kritičnim dionicama regionalne ceste.“ Pojašnjavajući dostavljene reference, ponuđač je dostavio privremene i okončane situacije po predmetnom ugovoru, te TD za postupak koji je prethodio njegovom zaključenju. Uvidom u dostavljeno, Komisija je utvrdila da su ovim ugovorima obuhvaćeni pripremni radovi, zemljani radovi i temeljenje, kolovozna konstrukcija (uključujući ivičnjake), odvodnjavanje, saobraćajna oprema i signalizacija. Imajući u vidu karakter i vrijednost radova koji su predmet ovog postupka nabavke, Komisija je konstatovala da je ponuđač dokazao relevantno iskustvo u određenim srodnim radovima (pripremni, zemljani, betonski i AB radovi, tampon, ivičnjaci) međutim nije dokazao relevantno iskustvo u radovima ugradnje betonskih opločnika, a koji su preovladavajući u ovom

postupku nabavke (58% ukupne vrijednosti radova). S obzirom na navedeno, ponuda je odbačena kao neprihvatljiva.

U ponudi ponuđača "Hajdić" d.o.o. Maglaj uočena je računska greška, koja je ispravljena u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15).

E-aukcija je zakazana za dan 12.02.2026. godine s početkom u 13,00 sati. Nakon održane e-aukcije, konačna rang lista u predmetnom postupku je sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om	Procenat umanjenja cijene
1.	„GEO-PUT“ D.O.O. MAGLAJ	68.800,00	80.496,00	7,17%
2.	„HAJDIĆ“ D.O.O. MAGLAJ	69.000,00	80.730,00	7,05%

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na rekonstrukciji Trga i Parka Ilijana sa spomen-obilježjem, nastavak radova dodijeli ponuđaču „Geo-put“ d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 13.02.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK

Maid Suljaković